



چریتا ۲

دالم

کتاب تورات

دشن بهاس موده باچ

نمبر 1



چريتا ۲ دالم ڪتاب تورات

دڻن بهاس موده باچ

موڪ

چريتا

- 1 . توهن جاديڪن دنيا 1
- 2 . توهن جاديڪن ماُنسي 6
- 3 . توڻ ادم دڻن سיתי حوا ڪنا تيفو 8
- 4 . توهن جاتوه حڪوم اتس ادم دڻن حوا . 12
- 5 . قابيل دڻن هابيل سمبه ڪا توهن ... 14
- 6 . نبي نوح دڻن اير به بسر 17

توهن جاديکن دنيا

بلوم دنيا اد لاڳي ، توهن يڄ سا اد ده .
 لائين فد توهن تا اد سڪارا هابوق .
 ڪتاب توهن ڪات
 توهنله حق جاديکن لاڳيت دڻن بومي ،
 فس سموا فرڪارا ۲ تو توهن بري جادي
 دڻن فاکي فرڪتان دي ساج .
 توهن سبوت ساج ، فس جادي سلالو .




مولا ۲ تو جادي ڪلف بلاڪ .
 فس توهن ڪات : چرمله !
 فس جادي چره سلالو .
 توهن بهانگي دوا فرڪارا ، ڪلف دڻن چره .
 ڪلف دي فڳيل مالم ،
 چره دي فڳيل سياڻ هاري .

۲ فس توهن بهاگي لاشيت دغن بومي
بري جادي دوا بفسا دوق سوکو .
سبله بومي دي کرت دوا ، اير دغن دارت .
اتس دارت توهن بري نايك تومبوهن ۲ .



اتس لاڭيت توهن سولو چھيا دي
 بري بوليہ مړينته سياغ دښن مالم .
 سبله سياغ بري متهاري مړينته ،
 سبله مالم جادي بولن دښن بينتغ .
 متهاري ، بولن ، دښن بينتغ^۲ سا ئي تو ،
 توهن بري انتوق نق بوليہ کيرا ماس ،
 فرياغ راي ، بولن دښن تاهون .
 فس توهن بري جادي سموا بناتغ
 هق بوليہ دوق دښن اير .
 کو اودارا فون دي بري جادي
 سموا بناتغ
 هق بوليہ تربغ .



فس توهن سوروه
 سموا بناتغ ني کات :
 برگياقله
 کهور^۲ باپق .
 سروف تو جوک بناتغ
 هق دوق پرجالن
 اتس تانه فون ،
 توهن بري جادي بلاک .

4
 هق سود سکالي توهن بري جادي مائسي .
 توجوان دي ، نق بري مائسي مريسته
 اتس سموا مخلوق تو .

سموا هق توهن جاديکن سائي
 سوڻ نه دوق د تمفت دي ماسيڻ ۲ ،
 فس سموا فرکارا تو موليق بلاک .



بالس توله
 توهن بري سوده کرج دي
 هق جاديکن دنيا تو
 دالم ماس
 انم هاري
 هاري هق کتوجوه تو
 توهن برادو ،
 فس لتق هاري هق
 کتوجوه تو
 بري جادي هاري
 ميڻگو
 انتوق مائسي
 جوک .

دعا فوجي

يا توهن ، يا بفاکو ،
 اکو فوجي کا توهن یغ سا ،
 توهن یغ مهاکواس ،
 توهن یغ مھاسوچي ،
 توهن حق بري جادي ستموا فرکارا ،
 فس بري دي جادي مولیق بلاک .

اکو فوجي کا توهن ،
 توهن یغ مهاکاسيه ،
 سبب توهن لتق هاري فيثکو
 انتوق بري مانسي بوليه امبيق ريحت ،
 فس بوليه چاري ماس ايغت کا توهن .

اکو فوجي دشن نام ربي .
 امين

توهن جاديکن مأنسي

دالم سموا فرکارا هق توهن بري جادي تو ،
 مأنسي کيت هق فيسيد سکالي .
 کتاب توهن کات توهن بري جادي مأنسي ،
 بتينا دغن جنتن ،
 ايکوت تلادن توهن سندیري .
 توجوان توهن ، نق بري مأنسي مرینته
 اتس سموا مخلوق هق دي بري جادي تو .

کتاب توهن کات ، توهن امبيق تانه
 فاکي بري جادي توؤ ادم ،
 مأنسي هق مولا^۲ سیکالي .

تافي توهن تیغوق کات ادم تو نمفق کسیت ،
 فس هق لاین هق توهن بري جادي ده ،
 تاؤ سوغ دغن ادم .

سابیت تو ، توهن بري توؤ ادم سلق .
 دي فون امبيق تولغ روسوق سفونتوغ
 نق بوات جادي کو دغن توؤ ادم .
 بیلا ادم کابر ، دي تیغوق نمفق

اورغ بتينا سئورغ ،
 هق تو بارو سوغ دغن دي .
 نام اورغ بتينا تو سיתי حوا .
 فس توهن سوروه لاکي بيني تو
 دوق سکلامين ، ساتو فاسغ ساج ،
 دغن تا برچراي سمفي ماتي .

دعا

يا توهن ، يا بفاکو ،
 اکو اوچف تريما کاسيه
 سبب توهن بري جادي مائسي
 دغن توجوان هق موليق ساج .
 مينتا توهن بري اکو فهم توجوان هق توهن
 انتوق اکوني ، ددنيا فس داخيرة کاتيک .
 مينتا دغن نام ربي .
 امين .



8 توۋ ادم دغن سىتي حوا كنا تيفو

تكه توهن جاديكن توۋ ادم دغن سىتي حوا ،
دي بري دودوق دالم ساتوكبون ،
سوروه بلا كبون تو .
فد ماس تو ادم دغن حوا
دوق توروت فرينته توهن ساج ،
سبب تو ، دي دوق سىنغ هاتي سىمور .

دالم كبون تو اد فوهون كايو كنف^۲ بىسا .
تافي اد دوا بىسا هق فيسىد ،
يايىت ، فوهون هق بري هيدوف ككل ،
دغن فوهون هق بري تاهو بايىك دغن جاهت .

سموا دالم كبون تو توهن بري بولىه ماكن بلاك .
تافي اد سفوهون هق توهن لارغ
تاۋ بري ماكن ،
يايىت فوهون هق بري تاهو بايىك دغن جاهت سايى .

توهن لارغ دي كات : كالو ماكن ،
تنتو مو كنا فوتوسله دغن اكو ، ماتي !



دالم سموا بناتغ هق توهن بري جادي ،
 اولرله هق چرديق سكالې .
 فس هيبليس ، هق دوق برلاون دغن توهن ،
 سالين روف جادي اولر
 ماري نق تيفو دوا اورغ تو .
 دي فون ماري كا تمفت سيئي حوا ،
 تان دي كات ؛
 سفوتي كه ، توهن لارغ تا بري ماكن
 بواه كايو دالم كبون ني ؟
 سيئي حوا جواب : دق ! بوليه ماكن .
 تافي سفوهون هق توهن تا بري ماكن ،
 جامه فون تاليه جوگ .
 كالو جامه ، تنتو ماتي .
 فوهون هق دوق دتغه تو ، هق دي لارغ .

10
اولر تو فون كات : دق ! تا ماتي !
توهن تا سیر بری مو جادی سروف دی ،
هق بولییه ارخی . بلاک ، بایك اتوا جاهت .
سابیت تو دی لایق .

با دغر ، سیتی حوا تیغوق یواه کایو تو
كات مولیق . کالو ماکن فون سدف .
فس فیکیران دی براس نق جوک ،
سابیت بری بولییه تاهو بلاک .

دی فون امبیق ماکن ،
فس تو بری کا تو ادم ، لاکي دی ، کاتیق .

سوده ماکن ، تاهو سلالو کات
دی کدوا دوق تلنچ .
دی فون مالو ، کي امبیق داون کایو
جاهیت بوات کاین .

دعا

يا توهن ، يا بفاكو ،
 اكو مفاكو کات اكو في سوک بوات
 هق تا موليک .

سبب هوا نفسو دالم هاتي
 اكو دوق ايقيم ، نق ۲ کا فرکارا ۲
 هق توهن لارڻ .

مينتا توهن تولوڻ اكو
 جاڻن بري کنا تيفو دهيبلين ،
 جاڻن بري کنا فنچوبان برت سلعت .
 اكو مينتا دڻن نام ربي .

امين



12 توهن جاتوه - حكوم اتس ادم دشن حوا

لفس فدكنا تيفو ، ماسوق مالم ،
توهن ماري نق كيچيق دشن دوا اورغ تو ،
سروف سعمور .

تافي لاکي بيني تاكوت ،
لاري منوسوف ديري باليق فوهون کايو .
توهن فون تاموده کات
دي تاء توروت فسنن .
سابيت تو مستي کنا حکوم .

توهن حکوم اتس اولر کات :
جق دهاري ني ، موکنا برجالن کلوشسور دشن فروت ،
کنا مهودوق دبو تانه سعمور .
فس اکو نق بري مو جلدي سترو
دشن اورغ بيتينا ني .
کتورونن مو دشن کتورونن دي فون
نق جلدي سترو چوک .

اتس اورغ بيتينا توهن حکوم کات :
مو نق کنا ساکيت فروت تکه نق برانق .

فس اتس اورڻ جنتن توهن حكوم كات :
 هق اكو فسن دولو تو ، مو تا توروت .
 سابيت تو مو كنا كرج هيڻڪ سمڻي
 تيتيق فلوه ، نق بوليه ماكن فافي .
 اصلمو دبوتانه ، فس نق كليق كا تانه فول .
 تنتو مو كنا ماتي .
 فس تو ، توهن همبت دي كدوا توبيت درفد كبون .

دعا

يا توهن ، يا بفاكو ، اكو تاهو ده كات
 اكو جوڳ ، كاڻڻ ۲ تا توروت فسندن توهن .
 سوڻ فاتوت توهن حكوم اتس اكو .

يا توهنكو ،
 امفونله

سموا دوسا ۲ کو .
 اكو مينتا دڻن نام
 عيسى المسيح .
 امين .



¹⁴ قابيل دڻن هابيل سمبهه کا توهن

سوڻڪوه فون مانسي فوتوش ده ،
تاءُ بايڪ دڻن توهن سروف دولو ،
تافي توهن کاسيه کا مانسي ،
نق بري فلواڻ بوليه برهوبوڻ فول
کو جالن قربان .

توهن سوروه قربان بناڻ هق تاءُ اڌ چدرا ،
بارو توهن بوليه بري امفونن .
توهن نمفق کات

سروف بناڻ هق کنا قربان تو ،
ماتي کنتي توان دي ،
باروله توهن بوليه برکنن کا اورڻ تو .

نفس تو ، تو ادم دڻن سיתי حوا
بوليه انق جنتن دوا اورڻ .
کاکو نام قابيل ، اديق فون نام هابيل .

بيلا بودق دوا اورڻ تو بسر ،
قابيل ماري نق سمبهه کا توهن

دښن ډاكي ځاين تانه
 هق دي سنديري تانم .
 دي تآ ستوجو دښن ټوات قربان
 سروف هق توهن سوروه .

اديقي دي فون سمبه كا توهن جوگ ،
 تافي دي ډاكي بناتغ هق تآ چدرا
 ټوات قربان سروف هق توهن سوروه ده .
 توهن فون تريما كا هق هابيل تو ،
 تافي هق ڪاڪو دي ، توهن تآ تريما .



قابيل فون موريه سابيت دڻڪي ڪا اديق دي
 ڪران توهن برڪنن ڪا حق اديق دي .
 دي اچق اديق ڪي ڪا بئدڻ ڦس جونوه دي ،
 سابيت تو ، توهن حڪوم ڪا قابيل ،
 بري ڪنا برجالن ڪي ماري اتس بومي سعمور
 دڻن سموا اورڻ ٻنڇي ڪا دي ،
 فس تائنتو تمفت دودوق .

ايڪوت حڪوم ۲ توهن دالم تورات ، بولييه ڪات
 سموا فرڪارا ڪنا بري سوچي انتوق توهن ،
 ڪو جالن دارة ٿي .
 فس توهن تائامفون دوسا ۲ مائسي فون ،
 ملينڪن دڻن سمبلييه قربان ، بري دارة تومفه توبيت ،
 بارو بولييه هافوس دوسا ۲ تو .

دعا

يا توهن ، يا بفاڪو ، اڪو تائهارف ڪا املن ۲
 اتوا ڪرج ۲ تاڻنڪو ، نق بري توهن برڪنن .
 اڪو دوق هارف سمات ۲ ڪا انق ڪييس
 حق توهن بري نق جادي قربان
 انتوق هافوس دوسا مائسي ڪيت . امين .

نبي نوح دڻن اير به بسر

بوکن قابيل سٿورڻ ، دق ،
 هق تاءُ توروت فسنن توهن .
 سموا هق مان اد ، بوات جاهت بلاک .
 فيکيران دي فون کهور^۲ تاءُموليق جوک .

توجوان توهن دولو ،
 نق بري مائسي دوق سهائي دڻن دي ،
 تافي سموا مائسي کهور لام کهور جاهت .
 سابيت تو توهن کات : اکو نق هافوس
 بري هابيس مائسي دڻن سموا مخلوق^۲
 هق اکو بري جادي دولو تو .

تافي اد مائسي سٿورڻ هق توهن برکنن .
 نام دي نوح .
 توهن فون روپت کا نبي نوح کات :
 اکو نق بونوه مائسي هق بوات دوسا سعمورتو .
 تافي مو دق !
 اکو نق جنجي دڻن مو کات ،
 کالو مو توروت هق اکو سوروه ، مو نق سلامت .

18
موکنا بوات کافل بسر شېواه
ایکوت فسننکو .

بیلا سوده ده ، موکنا باوا ماسوق
بینی مو ، اتق جنتن تیگ اورغ تو ،
دغن بینی ۲ دی .

فس باوا ماسوق بناتغ ماچم ۲ جنیس
بری جادی سکوا ۲ بلاک .
فس کنا باوا مکانن بری چوکوف
سموا حق اد دالم کافل تو .

نبی نوح فون بوات کنف ۲ فرکارا
فسنن توهن سانی .

بیلا ماسوق بلاک ده دالم کافل تو ،
هوجن فون توروون امفت فولوه هاری ،
امفت فولوه مالم ،
هیگک سمفی کافل بولییه هاپوت .

ایر فون کهور ۲ نایک تیغکی
هیگک سمفی سلم هابیس بوکیت ۲ .

هق مان تا' ماسوق دالم کاغل
 ماتي هابيس .
 هق مان اد دالم کاغل
 سلامت بلاک .

لفس فد تو بايق هاري جوگ ،
 اير فون كهوړ^۲ سوروت
 سهيڅگ تيمبول دارت ،
 فس فواقي تو بوليه توروڼ کا تانه .
 فس نبي نوح قربان بناتڅ
 سمبه کا توهن .



توهن فون برکنن کا نبي نوح
 فس دي جنجي کات ،
 کو داقن دي تا بري به ده .
 بسر سروف تو .
 فس توهن بوات تندا دغن کان ماکن اير
 بري جادي فريغاتن .

دعا


يا توهن ، يا بفاکو ،
 اكو فرچاي سوڱکوه کات ،
 فد هاري قيامه ،
 توهن نق حکوم اتس دوسا ۲ کو ،
 ملينکن اكو ماسوق توروت جالن سلامت
 حق توهن سندیري سيف ده .
 مينتا توهن بري اكو فندي دغر سوارا
 حق توهن دالم هاتي ،
 فس بري اكو بوليه بوات توروت
 فرکارا مان ۲ حق توهن سوروه .
 اكو مينتا دغن نام ربي .
 امين .

سودارا بوليہ سمبوٹ باچ
دالم سورت
نمبر 2

27

*Wir haben hier keine bleibende Stadt,
sondern die zukünftige suchen wir.*

Hebr. 13, 14



Easy Readers 1

Stories from creation
to Noah

204

34 ถนนกาญจนา 1 จัหวัดยะลา
34 جالن كنجا 1 چغواد جالا